



**Petri Thyræi, E Societate Jesu Doctoris Theologi, Et In
Academia Herbipolensi Olim Professoris, Tractatvs De
Apparitionibvs Sacramentalibvs**

Thyraeus, Petrus

Dilingae, 1640

Capvt IV. De caassis quasi Efficientibus harum Apparitionum, siue de
occasionebus quæ quodammodo caussæ Apparitionum dici possunt.

[urn:nbn:de:hbz:466:1-64272](https://nbn-resolving.de/urn:nbn:de:hbz:466:1-64272)

dent; hoc nomine videri desiderant; se aliis præferunt, meliorésque existimant, vnde & suum facile iudicium, aliorum etiam Prælatorum Ecclesiæ anteponunt: & suis opinionibus quamuis falsis, ita adhærent, vt nullis rationibus ab iis dimoueri possint.

C A P V T IV.

De causis quasi Efficientibus harum Apparitionum, sive de Occasionibus, quæ quodammodo caussæ Apparitionum dici possunt.

<i>In harum numero sunt,</i>	<i>Indignitas sumentium Sacramen-</i>
<i>Quorundam pius affectus;</i>	<i>ta;</i>
<i>Impietas, & studium vindictæ;</i>	<i>Profanatio eorumdem;</i>
<i>Natalio in fide.</i>	<i>Stud um cognoscendi mysteria no-</i>
	<i>stra religionis.</i>

1.  Estat, vt occasiones harum Apparitionum, indagemus, quæ quamuis propriè caussæ Efficientes dici non debeant: quia tamen cum iisdem aliquid habent commune, hic potius quam alio loco sunt assignandæ: simûlque quid iusti æquitatisque contineant aperiendum, & illud quidem, præsente capite, posterius sequente.

2. Principio igitur inuenio, quorundam pium ut appareat, desiderium, his Apparitionibus occasionem dedisse. Docet hoc exemplum Plegili Presbyteri, qui post-

N 2 quam

quam precibus à Deo contendisset, vt Christi sibi sub peregrinâ specie visio contingeret: voti factus est compos-^s; atque Christum in infantis figurâ, in altari conspexit, eundemque contrectauit, complexus est, osculatus est, quemadmodum testatur Paschasius Episcopus Corbeien-sis, lib. de corp. & sanguin. Domini in Eucharistiâ, cap. 14. Huc referto orationem, desiderij testem, B. Gregorij, præsentisque populi, quâ mutationem hostiæ in peregrinam speciem, obtinuisse videntur à Deo; quando mulier Sacramentum sumptura, in risum dicitur profusa, quod corpus Domini diceretur à B. Gregorio, quem ipsa panem cōfecerat. Orationem quoque duorum Abbatum, qui idem à Deo creduntur petiuisse, in gratiam Abbatis, qui de veritate Corporis Christi in Sacramento dubitauit. Historiam rei gestæ habet Metaphrastes in vitâ Arsenij.

3. Deinde iisdem occasionem dederunt impietas atque studium vindictæ, quam quidam de Christo sumere desiderârunt. Nam quam in propriâ personâ ipsi, tanquam in cœlo ad Patris dexteram residenti, contumeliam atque ignominiam inferre non potuerunt, voluerunt inferre sub Sacramento venerabili, latenti. Hoc nomine, damnantur Iudæi, qui Sacramentum à sacrilegis Christianis emptum, pugionibus confoderunt; atque vt Christus se in Sacramento proderet, impiis vocibus postulârunt. Horum nos meminimus p. 1.c. 1.

4. Præbuit etiam occasionem quorundam in fiducia nutatio, siue de veritate corporis Christi dubius animus; vt Sacerdotis illius, cuius meminit Platina in Urbano IV. Amalphitani quoque Episcopi, de quo Damianus tract. de mi-

de miraculis apud Surium, tom. 7. Et Adolphi de Dioferne apud Cæsarium, l. 9. c. 1. vt mulierem omittam atque Abbatem, quorum n. 2. huius c. facta mentio.

5. Quarto præbuit occasionem temeritas, Sacramenta corporis & sanguinis Domini, impurâ conscientiâ tentantium sumere. In horum numero est mulier, cuius meminit Sigebertus, ad Añum Domini, 1180. Sacerdos quoque malæ vitæ, de quo in vitâ Hugonis. Huc referto eos, qui non satis reuerenter Sacraenta tractârunt, inter quos forte fuit Colonensis, qui quam sumpserat sacram hostiam, per vomitum eiecit. Vide p. 1. c. 1. n. 4.

5. Quinto loco sunt, qui Eucharistiam in profanos usus conuerterunt. Primum ille, qui in aluearia iniecit spe conseruandarum apum; deinde mulier, quæ suasu malefici eandem certis carminibus incantauit, vt eadem maritum ab adulterio auocaret; tertio alia non minus temeraria, quæ prunis impositam credidit valere ad amorem mariti sibi conciliandum. Exempla hæc ad longum positasunt p. 1. c. 1. [Huc quoque referenda videtur mulier Augustana, de quâ ibid. addit. n. 1. et si ex historiâ non satis appetet, quo animo hostiam asseruâit.]

6. Sexto loco, dedit his Apparitionibus occasionem, studium siue voluntas cognoscendi mysteria Religionis Christianæ. Hæc locum habuit in Windekindo Saxonæ Duce; arque Hebræo, cuius in vitâ B. Basilij meminit Amphilochius. Et ille quidem vidit de manu purpurati Sacerdotis, pulchellum infantem ad os communicantium, transire; hic per manus Basilij, infantem communicantibus partiri. Ræs notæ sunt ex iis, quæ p. 1. c. 1. sunt dictæ.

8. Ethæc quæ diximus, Apparitionibus à nobis p. i.
c. i. allatis occasionem dederunt; potuerunt & res plures
dedisse; forte etiam dederunt plures; sed hæc præcipua
sunt. Aliquando etiam ex hominum parte nihil potuit
fuisse, & Deus suas habuisse caussas, cur accidere easdem
voluerit; quæ ut nobis sunt ignotæ, ita Deo notissimæ
atque iustissimæ.

CAP V T . V.

*An cum, vel sine hominum peccato, aliquan-
do acciderint ha peregrina, & inusitatæ in Sa-
cramento Apparitiones?*

*Quidam non peccârunt datâ ipsi-
occasione;* terunt;
Forte & bene fecerunt. *Qui lauierunt in Sacramentum;*
Quidam grauiter peccârunt; ut Non videntur abq; omni peccato
qui dubitârunt de veritate fuisse omnes, qui has Appa-
Sacramenti; ritiones optârunt;
Qui indignè ad Sacramentum ac- Non videtur licitum easdem opta-
cesserunt; re,
Qui idem in profanos usus conuer- *Id insinuant in similibus rebus,*
B. Augustinus & Gerson, &c.

1.  Vid iusti æquitatisque, in dictis iam Appa-
ritionibus fuerit, & vtrum aliquod ali-
quando hominum, hic delictum interue-
nerit, hoc capite est explicandum. In qui-
busdam facilis est responsio; in aliis difficilior. Nos tria re-
gula, verèque dici existimamus, quæ breuiter adiungimus.

2. Pri-